

# Төрскндән ханджацхана

СССР-н Деед Советин гурвдгч сессийд «Нарт делжән бәәдлин болн Советск Союзин газдин политикин» тускар кесн Н. С. Хрущевин доклад, мана зүркиг байрлулв.

Тосхлтин гурвдгч номертә управленә кōдлмшчнр дунд сессийин шиидврәр цәәлгъврин кōдлмш делгрдж йовна. Негдгч участкд агитатор болдж коммунист Куцеков Петр кōдлджәнә. Гурвдгч сессийин материалар үр Куцековин кесн күүндврт Ленинә орденәр ачлгдсн коммунист үр Джогаев бөсдж үг келв.

— Төвкнүн бәәлгънә тускар кедж йовх мана орн-нутгин политикиг, бидн — тосхачнр, эврәннь кедж, тосхдж, йовх кōдлмшәрн советск әмтнә ни-ниицнъгъү, дән уга бәәхиг сәәнәр үзүлдж медүлджәнәвдн. Ни-ниицнъгъү, дән уга бәәхин төләд, бидн цуг хамг чидлән олн әмтнә

бәәдл-джиргълин төлә өгч кōдлджәцхәнәвдн. Газдин политикиг советск күн болгънла хамдан би чигн таасджанав. Орн-нутгиннь сәәгъин төлә, күүчн-чидлиннь улм батрулхин төлә, би чидлән әрвллго кōдлнәв — гидж коммунист-орден зүүгъäch Джогаев келв.

Тосхачнр Гальджиев, Башангинов болн нань чигн улс Советск правительствин газдин политикиг таасцхадж, Төрскндән халун зүркини ханлтан күргджәнәвдн гидж келцхәв.

Октябрь сарин тосхлтин зурагъан 115 процент күргдж күүцәсн тосхачнр, КПСС-н ЦК-н Пленумиг уктджах социалистическ дөрлдәндән джилә зурагъан болзгаснь урд күүцәхәр шунджацхана.

С. ШАРАЕВ.